

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-344/25
Vareš, 29.12. 2025. godine

Z A P I S N I K
sa 11. sjednice Općinskog vijeća Vareš,
održane 27.11. 2025. godine

Predsjedavajući OV pozdravio je sve prisutne.

Prisutni vijećnici: Amela Mešić, Asim Balta, Asmir Čizmo, Dario Dodik, Dževad Mahmutović, Edin Ibrišimović, Igor Hinger, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Zdenko Franjić i Zdravko Barkić.

Odsutni: Andrej Malbašić, Denis Kovačević, Igor Šimić i Šaban Ibrišimović.

Malik Rizvanović, predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 11. sjednicu s početkom u 14.00 sati u velikoj sali Općine Vareš.

Pored vijećnika sjednici prisustvuju: Ermin Musa, zamjenik načelnika; Mersad Đido, sekretar OV; Mervana Hajrić, pomoćnik načelnika; Ibrahim Spahić, pomoćnik načelnika; Stela Terzić, šef Odsjeka za finansije i trezor; Velida Džafo i Salih Memić, ispred Službe za privredu, finansije i trezor i predstavnici medija.

Mersad Đido, sekretar OV izvijestio je prisutne da je na 10. sjednici OV održanoj 30.10. 2025. godine, Vijeće donijelo dvanaest (12) zaključaka, četiri (4) zaključaka su realizovana, osam (8) zaključaka su u toku realizacije i isti su proslijeđeni nadležnim po kojima još nisu dostavljena očitovanja. Postavljeno je devet (9) vijećničkih pitanja i jedno (1) dopunsko pitanje, na sva pitanja dat je odgovor pisanim putem.

Ermin Musa zamjenik općinskog načelnika za današnju sjednicu nije imao obraćanje o aktuelnim dešavanjima u proteklom periodu.

(Izjašnjavanje vijećnika o dobivenom odgovoru)

Vijećnik Dario Dodik

Podsjetio je prisutne na pitanja koja je postavio na prošloj sjednici (izmjene i dopune Statuta Općine Vareš i Odluke o komunalnim taksama, realizaciju projekata). Od zamjenika općinskog načelnika traži pojašnjenje u kojoj je fazi projekt za izgradnju parking prostora u ul. Put mira, jer ga nema u planu za narednu godinu.

(Vijećnička pitanja i Inicijative)

Igor Hinger

1. U kojoj fazi je izrada potpornih zidova na mjesnim grobljima u Varešu i Vareš Majdanu?

Dario Dodik

2. Pitanje se odnosi na zimsko održavanje i vanjski nadzor.
 - „Da li su zaključeni ugovori koje smo mi tražili?
 - Da li je ispoštovano sve po Zaključcima OV, koje smo donijeli prošle godine nakon nevremena na Badnji dan i Božić?
 - U kojoj fazi je nabavka mašine koja bi radila poslove od održavanja trotoara u gradu do čišćenja manjih ulica koje su u Programu održavanja i planu zimskog održavanja, a koje se ne održavaju zadnjih 20 godina? Za nabavku ove mašine smo donijeli i rebalans Budžeta da bi se kupila ta mašina za zimsko održavanje.“
3. Dužinom ulice Nikovac postoji nekoliko problema.
 - „Imamo problem kanalizacije na samom ulazu u ulicu, koja izlazi iz asfalta na ulicu i tako stoji mjesecima. Mislim da je JKP d.o.o. Vareš upoznato sa tim problemom, ali se ništa ne radi po tom pitanju, to je u prvih 10 m ulice;
 - Nakon 20 m imamo objekat koji je nedavno uklonjen gdje su kanalizacione cijevi iz cijelog naselja, koje nisu zaštićene, doslovno prolaze kroz zrak i one će na temperaturama -10, -20 biti zaleđene i imat ćemo začepljenu kanalizaciju za to naselje. Cijevi treba ukopati u zemlju;
 - 10 m dalje imamo kontejner koji se jednim dijelom nalazi na regionalnoj cesti, u saobraćaju stvara probleme. Smatram da ga treba pomaći 10 m više.
 - Dalje u toj istoj ulici imamo saobraćajni znak koji je u saobraćajnoj nesreći (prošle godine) srušen i bačen je u privatnu parcelu i do dana današnjeg nije vraćen na mjesto. Smatram da se znak treba vratiti na njegovo mjesto;
 - kada će se začepiti rupe u gradu (ispred U.R. „Fenix“, u jednosmjernoj ulici u blizini skretnice za JKP d.o.o. Vareš i u Vareš Majdanu u blizini škole)?“

Nermin Hrvat

4. Pitanje upućeno Općinskim službama a vezano je za zimsko održavanje u MZ Kadarići. Stanovnici su čekali da se očisti manja količina snijega 3 do 4 dana. Moramo razumjeti da stanovnici u MZ Kadarići su većinom penzioneri i oni koji su bolesni, tako da bi trebali to raditi efikasnije.

5. Šta se može uraditi ispred općinske službe, komunalno-građevinskog inspektora i MSS „Nordbat 2“ po pitanju zabrane konzumiranja duhanskih preparata učenicima ispred škole?

Nikola Šimić

6. U kojoj je fazi Inicijativa za realizaciju Odluke o izgradnji, korištenju i održavanju lokalnih cesta?
7. Za šta se koriste novčana sredstva naplaćena od građana u vidu komunalne naknade i kako se građanima dostavljaju Rješenja za komunalne naknade?

Inicijative

Igor Hinger

1. Da se u formi obavijesti pošalju uputstva za izradu projekata prema udrugama i organizacijama koje šalju projekte na razne adrese. **(Inicijativa podnesena usmenim putem)**

Dario Dodik

2. Traži se od firme koja vrši interni nadzor nad zimskim održavanjem u općini Vareš da ista radi svoj posao za koji je i plaćena, te da ista ostvari kontakt sa općinskim službama o čemu će se napisati i službena zabilješka da je taj nadzor bio u gradu a ujedno da i općinska služba ima podatke gdje su eventualni problemi, da bi Službe mogle unijeti u Izvještaje koje sačinjavaju. **(Inicijativa podnesena usmenim putem)**

Nikola Šimić

3. Da se prilikom izrade Odluke o izgradnji, korištenju i održavanju lokalnih cesta vodi računa da se u nju uvrsti i ograničenje nosivosti na cestama sa kojim upravlja općina Vareš. **(Inicijativa podnesena usmenim putem)**

Predsjedavajući OV stavio je na raspravu Zapisnik sa 10. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 10. sjednice OV i nakon izjašnjavanja vijećnika konstatuje da je **sa 14 glasova „ZA“** (odsutan vijećnik Zdenko Franjić) **usvojen Zapisnik sa 10. sjednice OV.**

Predsjedavajući OV stavio je na raspravu prijedlog dnevnog reda 11. sjednice OV koji je usaglašen na Kolegiju Općinskog vijeća.

Nije bilo učesnika i predsjedavajući OV stavio je na izjašnjavanje prijedlog dnevnog reda **11. sjednice OV** i nakon izjašnjavanja vijećnika konstatuje da je **sa 14 glasova „ZA“** (odsutan vijećnik Zdenko Franjić) **usvojen sljedeći**

Dnevni red

1. Izvještaj/Izvješće o izvršenju Budžeta/Proračuna Općine Vareš za period 01.01. 2025.–30.09.2025. godine (Pregled prihoda, primitaka i finansiranja po ekonomskim kategorijama).
Izvestilac: Zamjenik Općinskog načelnika.
2. Plan sanacije deficita budžeta Općine Vareš.
Izvestilac: Zamjenik Općinskog načelnika.
3. Nacrt Budžeta/Proračuna Općine Vareš za 2026. godinu.
Izvestilac: Zamjenik Općinskog načelnika.
4. Nacrt Odluke o izvršenju Budžeta/Proračuna Općine Vareš za 2026. godinu.
Izvestilac: Zamjenik Općinskog načelnika.
5. Prijedlog Rješenja o izmjeni Rješenja o izboru članova Komisije za izbor i imenovanja.
Izvestilac: Sekretar OV.
6. Prijedlog Odluke o izmjeni Odluke o građevinskom zemljištu Općine Vareš.
Izvestilac: Ermin Musa.
7. Prijedlog Odluke o vrijednosti boda komunalne naknade za 2026. godinu.
Izvestilac: Ermin Musa
8. Prijedlog Odluke o stavljanju van snage Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta.
Izvestilac: Ermin Musa.
9. Prijedlog Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta u cilju prenošenja prava vlasništva na njegovog zakonskog nasljednika.
Izvestilac: Ermin Musa
10. Prijedlog Odluke o naknadama za vatrogastvo.
Izvestilac: Ibrahim Spahić.
11. Prijedlog Odluke o prestanku važenja Odluke o općinskim komunalnim taksama.
Izvestilac: Salih Memić.
12. Prijedlog Odluke o općinskim komunalnim taksama.
Izvestilac: Salih Memić.
13. Prijedlog Pravilnika o uslovima i načinu ukopa uginulih životinja i animalnog otpada na stočnom groblju općine Vareš.
Izvestilac: Velida Džafo.

14. Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za period od 2026. do 2030. godine, broj: 02-1539/25 od 18.11. 2025. godine.
Izjestilac: Ermin Musa.
15. Prijedlog Rješenja o utvrđivanju prava posjeda u korist Džafo Anela iz Vareša, Dabravine
Izjestilac: Ermin Musa.
16. Izvještaj o problematici pasa litalica na području općine Vareš i radu skloništa za napuštene pse.
Izjestilac: Velida Džafo
17. Informacija o zdravstvenoj ispravnosti vode sa lokalnih vodovoda na području općine Vareš.
Izjestilac: Velida Džafo.
18. Informacija o stipendiranju i stipendistima općine Vareš u školskoj 2024/2025. godini.
Izjestilac: Mervana Hajrić.
19. Informacija o postignutom uspjehu u školskoj 2024/2025. godini u OŠ „ Vareš“, OŠ „Vareš Majdan“ i MSŠ „Nordbat-2“ Vareš.
Izjestilac: Mervana Hajrić.
20. Tekuća pitanja.

Ad. I.

**(Izvještaj/Izvešće o izvršenju Budžeta/Proračuna Općine Vareš
za period 01.01. 2025.–30.09.2025. godine
(Pregled prihoda, primitaka i finansiranja po ekonomskim kategorijama).**

Komisija za privredu, finansije i budžet na 4. sjednici održanoj 21.11. 2025. godine jednoglasno je donijela sljedeći Zaključak:

- Komisija prihvata Izvještaj/Izvešće o izvršenju Budžeta/Proračuna Općine Vareš za period januar/siječanj-septembar/ rujana za 2025. godinu (pregled prihoda, primitaka i finansiranja po ekonomskim kategorijama) i isti upućuje Vijeću na razmatranje.

Stela Terzić dala je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*postavio pitanje – obzirom na dosadašnju realizaciju primitaka da li je realno očekivati da nećemo uspjeti ostvariti budžet koji je planiran i da li je vrijeme za izmjene i dopune kako bi se to uskladilo?*), Igor Hinger (*traži pojašnjenje u vezi ekonomskih kodova/ostvarenje budžeta koji su navedeni u Izvještaju i Nacrtu Budžeta za 2026. godinu*), Zdravko Barkić (*dao je svoje mišljenje o prihodovnoj i rashodovnoj strani i uz pojašnjenje izjavio da neće podržati ovu tačku dnevnog reda*), Nermin Hrvat (*postavio je pitanje – zbog čega je bio loš priliv kapitalnih transfera?*), Stela Terzić (*dala je dodatno pojašnjenje i odgovorila na postavljena pitanja*), Dario Dodik (*replika*) i Zdravko Barkić (*replika*).

Zaključena je rasprava i predsjedavajući OV stavio je na izjašnjavanje Izvještaj/Izvešće o izvršenju Budžeta/Proračuna Općine Vareš za period 01.01. 2025.–30.09.2025. godine (Pregled prihoda, primitaka i finansiranja po ekonomskim kategorijama).

Nakon izjašnjavanja vijećnika predsjedavajući OV konstatuje da je sa **8 glasova „ZA“, 3 glasa „PROTIV“ i 4 „SUZDRŽANA“ glasa nije usvojen**

***Izvještaj/Izvešće o izvršenju Budžeta/Proračuna Općine Vareš
za period 01.01. 2025.–30.09.2025. godine
(Pregled prihoda, primitaka i finansiranja po ekonomskim kategorijama)***

**Ad. 2.
(Plan sanacije deficita budžeta Općine Vareš)**

Komisija za privredu, finansije i budžet je na 4. sjednici održanoj 21.11. 2025. godine jednoglasno je donijela sljedeći Zaključak:

- Komisija prihvata Plan sanacije deficita budžeta Općine Vareš i isti upućuje Vijeću na razmatranje.

Stela Terzić dala je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*skrenuo je pažnju na veliki broj zaposlenih u organu uprave i potrebu izrade nove sistematizacije radnih mjesta, o istom je dao pojašnjenje*), Zdravko Barkić (*mišljenja je da ovaj Plan koji je dostavljen Vijeću samo analiza stanja u kojem se nalazi Općina i da treba uraditi Plan sanacije koji će sadržavati konkretne i ozbiljne mjere sanacije, o istom je dao pojašnjenje*), predsjedavajući OV Malik Rizvanović (*mišljenja je da se sanacija budžeta ne može raditi ako nemamo prihodovnu stranu i da treba razmisliti kako povećati prihode, o istom je dao pojašnjenje*), Stela Terzić (*izjavila je da je Služba svjesna da je Plan mogao ići sa konkretnim mjerama ali obzirom da je Zaključkom OV traženo da se Plan sanacije dostavi uz Nacrt Budžeta za 2026. godinu, nije bilo dovoljno vremena da se uradi detaljnije, ali će se u narednom periodu uraditi Plan sanacije sa konkretnim mjerama i planovima*), Zdravko Barkić (*replika*), Nikola Šimić (*skrenuo je pažnju na zakonske rokove trošenje sredstava odnosno trezorsko poslovanje*) i Dario Dodik (*replika*).

Predsjedavajući OV predložio je i stavio je na izjašnjavanje sljedeći

Zaključak:

1. Prihvata se Plan sanacije deficita budžeta Općine Vareš, broj: 02-1532/25 od 18.11. 2025. godine.
2. Zadužuje se Općinski načelnik i nadležna služba da u roku od 90 dana Općinskom vijeću Vareš dostave Plan sa konkretnim mjerama sanacije deficita budžeta Općine Vareš.
3. Plan iz tačke 1. je sastavni dio ovog Zaključka.
4. Zaključak stupa na snagu danom donošenja.

Nije bilo rasprave po prijedlogu zaključka i predsjedavajući nakon izjašnjavanja vijećnika konstatuje da je **sa 15 glasova "ZA" usvojen Zaključak.**

Ad. 3.

(Nacrt Budžeta/Proračuna Općine Vareš za 2026. godinu)

Komisija za privredu, finansije i budžet je na 4. sjednici održanoj 21.11. 2025. godine jednoglasno je donijela sljedeći Zaključak:

- Komisija prihvata Nacrt Budžeta/Proračuna Općine Vareš za 2026. godinu i isti upućuje Vijeću na razmatranje.

Stela Terzić dala je dodatno pojašnjenje za ovu tačku dnevnog reda i napomenula da se vodi računa na zakonske odredbe kad amandmanima se zahtjeva povećanje jedne rashodovne strane da se odmah vodi računa koja će se rashodovna strana smanjiti.

Mersad Đido predsjednik Sindikalne organizacije u svom obraćanju izvijestio je prisutne da je stav Sindikalne organizacije organa uprave Općine Vareš bio da osnovica sa 380 poveća se na 450, ali nakon prošle sjednice OV, a vezano za donošenje Plana sanacije deficita budžeta Općine Vareš, odlučeno je da osnovica bude 440. Zamjenik načelnika nije prihvatio tu osnovicu i u Nacrtu budžeta za 2026. godine ista je planirana u iznosu od 430. Razlog za povećanje osnovice je prvenstveno taj što je za 37 radnika od ukupnih 67 zaposlenih, vršeno namirivanje na plaću da bi ista iznosila 70% od prosječne plaće kako je to Zakonom definisano, i zbog toga je došlo do izjednačavanja plaća referenata i pomoćnih radnika i stvorena je mala razlika između plaća zaposlenih sa SSS i VSS.

Otvorena je rasprava u kojoj su učestvovali vijećnici: Zdravko Barkić (*ponovo je skrenuo pažnju na prevelik broj uposlenih u Općini Vareš i JU Centar za kulturu i edukaciju Vareš i uz pojašnjenje izjavio da neće podržati ovu tačku dnevnog reda*), Dario Dodik (*uz pojašnjenje iznio je svoj stav da se Nacrt Budžeta vrati na doradu u smislu da se uzme u obzir Plan sanacije Budžeta i da se Nacrt dostavi za narednu sjednicu OV*), Igor Hinger (*skrenuo je pažnju na potrebnoj edukaciji i motivaciji udruženja i mjesnih zajednica u vezi izrade projekata i apliciranja na više nivoe vlasti*) i Dario Dodik (*replika*).

Zaključena je rasprava i predsjedavajući OV predložio je i stavio na izjašnjavanje sljedeći

Zaključak

- 1. Prihvata se Nacrt Budžeta/Proračuna Općine Vareš za 2026. godinu.**
- 2. Nacrt Budžeta/Proračuna Općine Vareš za 2026. godinu iz tačke 1. ovog Zaključka se upućuje na javnu raspravu u trajanju od 15 dana.**
- 3. Zadužuju se Općinski načelnik i nadležna općinska služba da provedu javnu raspravu u skladu sa aktima Općinskog vijeća i da na osnovu današnje rasprave, prijedloga datih u toku javne rasprave, sačine Prijedlog Budžeta/Proračuna Općine Vareš za 2026. godinu i isti dostave Vijeću na razmatranje.**
- 4. Sastavni dio Prijedloga bit će i Izvještaj o provedenoj javnoj raspravi.**
- 5. Ovaj Zaključak stupa na snagu danom donošenja.**

Nakon izjašnjavanja vijećnika, predsjedavajući OV konstatuje da je **sa 12 glasova „ZA“ i 3 glasa „PROTIV“ usvojen predloženi Zaključak.**

Ad.4.

(Nacrt Odluke o izvršenju Budžeta/Proračuna Općine Vareš za 2026. godinu)

Komisija za statutarne pitanja i propise je na 9. sjednici održanoj 20.11. 2025. godine jednoglasno usvojila sljedeći Zaključak:

- Da se u Nacrtu Odluke o izvršenju Budžeta/Proračuna Općine Vareš za 2026. godinu u preambuli iza broja 49/06 doda i „51/09“, te se isti upućuje Vijeću na razmatranje.

Komisija za privredu, finansije i budžet je na 4. sjednici održanoj 21.11. 2025. godine jednoglasno je donijela sljedeći Zaključak:

- Komisija prihvata Nacrt Odluke o izvršenju Budžeta/Proračuna Općine Vareš za 2026. godinu i isti upućuje Vijeću na razmatranje.

Stela Terzić dala je dodatno pojašnjenje za ovu tačku dnevnog reda i ponovo skrenula pažnju da je Zakonom o budžetima u članu 32. definisan način predlaganja amandmana na budžet.

Otvorena je rasprava u kojoj je učestvovao vijećnik Igor Hinger i tražio da služba predloži koji bi se kodovi eventualno mogli umanjiti.

Zaključena je rasprava i predsjedavajući OV stavio je na izjašnjavanje sljedeći

Zaključak:

1. Prihvata se Nacrt Odluke o izvršenju Budžeta/Proračuna Općine Vareš za 2026. godinu.
2. Nacrt Odluke o izvršenju Budžeta/Proračuna Općine Vareš za 2026. godinu iz tačke 1. ovog Zaključka se upućuje na javnu raspravu u trajanju od 15 dana.
3. Zadužuju se Općinski načelnik i nadležna općinska služba da provedu javnu raspravu u skladu sa aktima Općinskog vijeća i da na osnovu današnje rasprave, prijedloga datih u toku javne rasprave, sačine Prijedlog Odluke o izvršenju Budžeta/Proračuna Općine Vareš za 2026. godinu i isti dostave Vijeću na razmatranje.
4. Sastavni dio Prijedloga bit će i Izvještaj o provedenoj javnoj raspravi.
5. Ovaj Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **10 glasova „ZA“** i **3 „SUZDRŽANA“** (odsutni vijećnici Semir Memić i Edin Ibrišimović) **glasa usvojen predloženi Zaključak.**

Ad.5.

(Prijedlog Rješenja o izmjeni Rješenja o izboru članova Komisije za izbor i imenovanja)

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o izmjeni Rješenja o izboru članova Komisije za izbor i imenovanja.

Nakon izjašnjavanja vijećnika predsjedavajući OV konstatuje da je sa **15 glasova „ZA“ usvojeno**

***Rješenje o izmjeni Rješenja o izboru
članova Komisije za izbor i imenovanja.***

Predsjedavajući OV dao je pauzu u trajanju 20 minuta.
Nastavljeno je sa radom sjednice.

***Ad.6.
(Prijedlog Odluke o izmjeni
Odluke o građevinskom zemljištu Općine Vareš)***

Komisija za statutarna pitanja i propise je na 9. sjednici održanoj 20.11. 2025. godine jednoglasno usvojila sljedeći Zaključak:

- Da se u Prijedlogu Odluke o izmjeni Odluke o građevinskom zemljištu Općine Vareš u preambuli iza broja 67/05 doda i „94/18“, te se isti upućuje Vijeću na razmatranje. Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*traži dodatno pojašnjenje koje se odnosi na „područja općine Vareš unutar 100 m od regionalnog puta R444“*) i zamjenik načelnika Ermin Musa (*dao je dodatno pojašnjenje i izjavio da je u Prijedlogu Odluke izvršena dopuna sa poslovnom zonom na Tisovcima a sve ostalo je bilo navedeno u ranijoj Odluci kako i stoji u obrazloženju*).

Dario Dodik uz pojašnjenje predložio je da se u ***Prijedlogu Odluke o izmjeni Odluke o građevinskom zemljištu u članu 1. doda i regionalni put R444a i R444b.***

Predsjedavajući OV stavio je na izjašnjavanje prijedlog vijećnika Dodik Daria i nakon izjašnjavanja vijećnika konstatuje da prijedlog sa **6 glasova „ZA“, 7 glasova „PROTIV“ i 2 „SUZDRŽANA“ glasa nije usvojen.**

Predsjedavajući OV stavio je na izjašnjavanje Prijedlog Odluke o izmjeni Odluke o građevinskom zemljištu sa Zaključkom Komisije za statutarna pitanja i propise i nakon izjašnjavanja konstatuje da sa **9 glasova „ZA“ i 6 glasova „PROTIV“ nije usvojena**

Odluka o izmjeni Odluke o građevinskom zemljištu

***Ad.7.
(Prijedlog Odluke o vrijednosti
boda komunalne naknade za 2026. godinu)***

Komisija za statutarna pitanja i propise je na 9. sjednici održanoj 20.11. 2025. godine jednoglasno usvojila sljedeći Zaključak:

- Komisija nema primjedbi na Prijedlog Odluke o vrijednosti boda komunalne naknade za 2026. godinu, te je upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Dario Dodik (*uz pojašnjenje predložio da se naknada za poslovne subjekte poveća a za stambeni prostor smanji*), Zdravko Barkić (*uz pojašnjenje predložio je da se naknada poveća 50 % i za poslovne subjekte i za stambene*), Nikola Šimić (*uz pojašnjenje postavio je pitanje da li postoji mogućnost da se ovom naknadom obuhvate i mjesne zajednice koje imaju određenu komunalnu infrastrukturu*), Zdravko Barkić (*replika*), Dario Dodik (*replika*), zamjenik načelnika Ermin Musa (*odgovorio je na pitanje vijećnika Nikole Šimića da zakonom nije omogućeno da se uvrste mjesne zajednice, jer je Zakonom o komunalnim djelatnostima propisano da se do VI zone može naplaćivati komunalna naknada a mjesne zajednice na području općine Vareš po Odluci o građevinskim zonama su van VI zone, na osnovu prijedloga u raspravi izjavio je da naknada za stambene prostore bude 0,005 KM/m² a za poslovne 0,009 KM/m²*), Zdravko Barkić (*replika*), Dario Dodik (*replika*) i predsjedavajući OV Malik Rizvanović (*replika*).

Predsjedavajući OV pozvao je predlagača da se izjasni o prijedlozima vijećnika iznesenim u raspravi.

Zamjenik načelnika Ermin Musa kao predlagač izjavio je da prihvata prijedlog da se naknada za stambeni prostor smanji sa 0,006 KM/m² na 0,005 KM/m², a za proizvodni prostor i druge djelatnosti da se sa 0,008 KM/m² poveća na 0,009 KM/m². U vezi izmjene Odluke o građevinskim zonama izjavio je da za sada neće biti izmjena.

Zdravko Barkić predložio je da Vijeće donese **Zaključak kojim bi se zadužile općinske službe da izrade izmjene Odluke o komunalnoj naknadi gdje će definirati da se i mjesne zajednice koje imaju javnu rasvjetu i koje imaju asfaltirane puteve uvrste u VI zonu u skladu sa zakonskim propisima.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da **sa 7 glasova „ZA“, 6 glasova „PROTIV“ i 2 „SUZDRŽANA“ glasa nije usvojen predloženi Zaključak.**

Sekretar OV podsjetio je vijećnike na odredbe Poslovnika o radu Općinskog vijeća koje definišu proceduru predlaganja amandmana na određene odluke.

Vijećnik Dario Dodik izjavio je da povlači svoj amandman te da podržava amandman vijećnika Barkić Zdravka.

Predsjedavajući OV konstatovao je da je vijećnik Dario Dodik povukao svoj amandman.

Predsjedavajući OV stavio je na izjašnjavanje **amandman vijećnika Barkić Zdravka da se naknada poveća 50 % i za proizvodne prostore i druge djelatnosti i za stambene prostore.**

Nakon izjašnjavanja vijećnika predsjedavajući OV konstatuje da **je sa 15 glasova „ZA“ usvojen predloženi amandman.**

Zaključena je rasprava i predsjedavajući OV stavio je na izjašnjavanje Prijedlog Odluke o vrijednosti boda komunalne naknade za 2026. godinu sa prihvaćenim amandmanom.

Nakon izjašnjavanja vijećnika, predsjedavajući OV konstatuje da je sa **15 glasova „ZA”** usvojena

Odluka o visini boda komunalne naknade za 2026. godinu

Ad. 8.

(Prijedlog Odluke o stavljanju van snage Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta)

Komisija za statutarna pitanja i propise je na 9. sjednici održanoj 20.11. 2025. godine jednoglasno usvojila sljedeći Zaključak:

- Komisija nema primjedbi na Prijedlog Odluke o stavljanju van snage Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog te je upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda..

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o stavljanju van snage Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta.

Nakon izjašnjavanja vijećnika predsjedavajući OV konstatuje da je sa **15 glasova „ZA”** usvojena

Odluka o stavljanju van snage Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta

Ad. 9.

(Prijedlog Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta u cilju prenošenja prava vlasništva na njegovog zakonskog nasljednika)

Komisija za statutarna pitanja i propise je na 9. sjednici održanoj 20.11. 2025. godine jednoglasno usvojila sljedeći Zaključak:

- Komisija nema primjedbi na Prijedlog Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje

individualnog stambenog objekta u cilju prenošenja prava vlasništva na njegovog zakonskog nasljednika, te je upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta u cilju prenošenja prava vlasništva na njegovog zakonskog nasljednika.

Nakon izjašnjavanja vijećnika predsjedavajući OV konstatuje da je **sa 15 glasova „ZA“ usvojena**

Odluka o prijenosu prava vlasništva na nekretninama Općine Vareš u korist nastradalog lica od klizišta u svrhu izgradnje individualnog stambenog objekta u cilju prenošenja prava vlasništva na njegovog zakonskog nasljednika

Ad. 10.

(Prijedlog Odluke o naknadama za vatrogastvo)

Komisija za statutarna pitanja i propise je na 9. sjednici održanoj 20.11. 2025. godine jednoglasno usvojila sljedeći Zaključak:

- Da se u Prijedlogu Odluke o naknadama za vatrogastvo preambula mijenja i glasi: „Na osnovu člana 132. Zakona o zaštiti od požara i vatrogastvu („Službene novine Zeničko-dobojskog kantona“, broj: 5/11), člana 13. Zakona o principima lokalne samouprave u Federaciji BiH („Službene novine Federacije BiH“, broj: 49/06 i 51/09) i člana 22. tačka 6. Statuta Općine Vareš–Prečišćeni tekst broj: 162/12 od 11.09. 2012. godine, Općinsko Vijeće Vareš na __. sjednici, održanoj _____ 2025. godine, donosi:“ i da se u članu 3. Prijedloga Odluke riječi „s općinskom Profesionalnom vatrogasnom jedinicom“ zamjene riječima „sa Općinom Vareš“, te je upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o naknadama za vatrogastvo i nakon izjašnjavanja konstatuje da je **sa 15 glasova „ZA“ usvojena**

Odluka o naknadama za vatrogastvo

Ad. 11.

(Prijedlog Odluke o prestanku važenja Odluke o općinskim komunalnim taksama)

Komisija za statutarna pitanja i propise je na 9. sjednici održanoj 20.11. 2025. godine jednoglasno usvojila sljedeći Zaključak:

- Da se izmijeni naziv Odluke i da glasi „Odluka o stavljanju van snage Odluke o općinskim komunalnim taksama“ i da se izmijeni član 1. Odluke i da glasi: “Ovom Odlukom stavlja se van snage Odluka o općinskim komunalnim taksama broj: 01-281/22 od 29.12. 2022. godine i broj 01-103/23 od 27.04. 2023. godine.“, te je upućuje Vijeću na razmatranje.

Izvjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj je učestvovao vijećnik Nikola Šimić i zahvalio se Udruženju poslodavaca koje je iniciralo donošenje Odluke o stavljanju van snage Odluke o općinskim komunalnim taksama i ljudima koji su radili na tome.

Zaključena je rasprava i predsjedavajući OV stavio je na izjašnjavanje Prijedlog Odluke o prestanku važenja Odluke o općinskim komunalnim taksama.

Nakon izjašnjavanja vijećnika predsjedavajući OV konstatuje da je **sa 15 glasova „ZA“ usvojena**

***Odluka o prestanku važenja
Odluke o općinskim komunalnim taksama***

Ad. 12.

(Prijedlog Odluke o općinskim komunalnim taksama)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o općinskim komunalnim taksama.

Nakon izjašnjavanja vijećnika predsjedavajući OV konstatuje da je **sa 14 glasova „ZA“ i 1 „SUZDRŽANIM“ glasom usvojena**

Odluka o općinskim komunalnim taksama

Ad. 13.

**(Prijedlog Pravilnika o uslovima i načinu ukopa uginulih
životinja i animalnog otpada na stočnom groblju općine Vareš)**

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Pravilnika o uslovima i načinu ukopa uginulih životinja i animalnog otpada na stočnom groblju općine Vareš.

Nakon izjašnjavanja vijećnika predsjedavajući OV konstatuje da je **sa 15 glasova „ZA“ glasom usvojen**

***Pravilnik o uslovima i načinu ukopa uginulih
životinja i animalnog otpada na stočnom groblju općine Vareš***

Ad. 14.

(Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za period od 2026. do 2030. godine, broj: 02-1539/25 od 18.11. 2025. godine.

Zamjenik načelnika Ermin Musa dao je pojašnjenje za ovu tačku dnevnog reda i izjavio da se Program za period o četiri godine donosi na osnovu Strategije razvoja lokalnih cesta koja se donosi na period od deset godina a koju je donijelo Općinsko vijeće 2022. godine.

Otvorena je raspra u kojoj su učestvovali vijećnici: Dario Dodik (*skrenuo je pažnju da su u Programu izostavljene jako bitne ulice i lokalni putevi i zbog toga je protiv usvajanja ovog Programa, traži da se izradi nova Strategija razvoja lokalnih cesta*), Igor Hinger (*da li će putevi koji nisu uvršteni u Strategiju dobiti na neki način podršku Općine kad je riječ o izradi projektne dokumentacije*), Dario Dodik (*replika*), Nazif Hajrić (*uz pojašnjenje predložio je da se MZ Striježovo iz prioriteta II stavi u prioritet I*), Zdenko Franjić (*skrenuo je pažnju na rekonstrukciju lokalne ceste u MZ Strica-Zaruđe koju posjećuju mnogi turisti*), Zdravko Barkić (*da li su svi putni pravci analizirani sa aspekta broj ljudi koji žive na tim područjima, izjavio je da podržava prijedlog vijećnika Dodik Daria da se ide sa izradom nove Strategije*), Asmir Čizmo (*uz pojašnjenje skrenuo je pažnju na MZ Dragovići i potrebnu rekonstrukciju puta Luke-Mijakovići i izjavio je da podržava prijedlog za izradu Strategije*), Semir Memić (*skrenuo je pažnju na MZ Kadarići u kojoj se dugo godina nisu održavali putevi*), Nikola Šimić (*uz pojašnjenje ponovo je skrenuo pažnju na važnost donošenja odluke o izgradnji, korištenju i održavanju lokalnih cesta*), Igor Hinger (*uz pojašnjenje sugerisao je da se u Strategiji navedu svi putevi*), zamjenik načelnika Ermin Musa (*izjavio je da on radi po aktima koje je Vijeće donijelo a Strategiju je donijelo Vijeće 2022. godine, postoji odluka koji su to lokalni putevi i procedura kako se ta odluka mijenja, ta odluka o lokalnim putevima je na nivou kantona ali je i ona poništena poslije*) i Dario Dodik (*replika*).

Vijećnik Dario Dodik predložio je sljedeći

Zaključak

1. **Prijedlog Zaključka o davanju saglasnosti na Program rekonstrukcije, izgradnje i obnove lokalnih cesta i ulica za period od 2026. do 2030. godine, broj: 02-1539/25 od 18.11. 2025. godine vraća se ovlaštenom predlagачu i nadležnoj službi.**
2. **Nalaže se nadležnoj službi da pristupi izradi dopuna Strategije razvoja lokalnih cesta i ulica u gradu i naseljima za period od 2022. do 2032. godine, broj: 01-230/22 od 27.10. 2022. godine u koju će biti uvršteni svi putni pravci koji su propušteni.**
3. **Nakon donošenja nove Strategije razvoja lokalnih cesta i ulica u gradu i naseljima, predlagач će Vijeću na razmatranje dostaviti novi Program rekonstrukcije, izgradnje i obnove lokalnih cesta i ulica za period od 2026. do 2030. godine.**
4. **Zaključak stupa na snagu danom donošenja.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika predsjedavajući konstatuje da je **sa 15 glasova „ZA“ usvojen predloženi Zaključak.**

Ad. 15.

**(Prijedlog Rješenja o utvrđivanju prava posjeda
u korist Džafo Anela iz Vareša, Dabravine)**

Izjavitelj nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o utvrđivanju prava posjeda u korist Džafo Anela iz Vareša, Dabravine.

Nakon izjašnjavanja vijećnika predsjedavajući OV konstatuje da je **sa 15 glasova „ZA“ usvojeno**

***Rješenje o utvrđivanju prava posjeda u
korist Džafo Anela iz Vareša, Dabravine***

Ad. 16.

**(Izveštaj o problematiki pasa lotalica na području
općine Vareš i radu skloništa za napuštene pse)**

Izjavitelj nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici: Semir Memić (*uz pojašnjenje postavio je pitanje koja je procedura i kako se psi mogu skloniti sa ulice*), Zdravko Barkić (*uz pojašnjenje skrenuo je pažnju da naša općina postaje regionalni centar za pse jer se i sa drugih općina dovoze psi i ostavljaju na područje naše općine, iznio je svoje mišljenje o iznosu sredstava koja se izdvajaju za sklonište*), Asmir Čizmo (*mišljenja je da problem dovoženja pasa iz drugih općina na našu općinu treba pokušati riješiti na kantonalnom nivou, o istom je dao pojašnjenje*), sanitarni inspektor Velida Džafo (*dala je odgovor o zakonskoj proceduri zbrinjavanja pasa lotalica i osnivanju skloništa*), Zdravko Barkić (*replika*), Igor Hinger (*podsetio je da je MZ Javornik dala suglasnost da je sklonište za napuštene pse isključivo za pse sa područja općine Vareš-cca 60 pasa*), predsjedavajući OV Malik Rizvanović (*skrenuo je pažnju na problem pasa lotalica u MZ Dabravine*), pomoćnik načelnika Ibrahim Spahić (*izvijestio je prisutne o mogućnosti zbrinjavanju pasa lotalica sa područja općine Breza kao i o eventualnoj komercijalizaciji rada skloništa, o istom je dao pojašnjenje*), Igor Hinger (*replika*), Zdravko Barkić (*replika*), sanitarni inspektor Velida Džafo (*upoznala je prisutne da za sve pse koji su čipovani preko registra se može utvrditi sa koje općine su i tada se oni vraćaju vlasniku, također je podsjetila prisutne na certificirana skloništa za pse koja se bave izvozom/udomljavanjem pasa u Evropsku uniju*), Igor Hinger (*replika*), Dario Dodik (*postavio je pitanje na koliki je rok Općina Vareš dobila na korištenje objekat na Zabrezju u kojem se nalazi sklonište*), pomoćnik načelnika Ibrahim Spahić (*replika*) i Igor Hinger (*replika*).

Zaključena je rasprava i predsjedavajući OV stavio je na izjašnjavanje Izvještaj o problematici pasa lotalica na području općine Vareš i radu skloništa za napuštene pse.

Nakon izjašnjavanja vijećnika predsjedavajući OV konstatuje da je sa **15 glasova „ZA“ usvojen**

***Izvještaj o problematici pasa lotalica na području
općine Vareš i radu skloništa za napuštene pse***

Ad. 17.

**(Informacija o zdravstvenoj ispravnosti vode
sa lokalnih vodovoda na području općine Vareš)**

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

***Informaciju o zdravstvenoj ispravnosti vode
sa lokalnih vodovoda na području općine Vareš***

Ad. 18.

**(Informacija o stipendiranju i stipendistima
općine Vareš u školskoj 2024/2025. godini)**

Izjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je **Vijeće primilo k znanju**

***Informaciju o stipendiranju i stipendistima
općine Vareš u školskoj 2024/2025. godini***

Ad. 19.

**(Informacija o postignutom uspjehu u školskoj 2024/2025. godini
u OŠ „Vareš“, OŠ „Vareš Majdan“ i MSŠ „Nordbat-2“ Vareš)**

Izjestilac nije imao dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Semir Memić i Zdravko Barkić koji su iznijeli svoje mišljenje o broju učenika u školama u 2001 i 2025. godini).

Zaključena je rasprava i predsjedavajući OV konstatuje da je **Vijeće primilo k znanju**

**Informaciju o postignutom uspjehu u školskoj 2024/2025. godini
u OŠ „Vareš“, OŠ „Vareš Majdan“ i MSS „Nordbat-2“ Vareš**

Predsjedavajući OV dao je pauzu u trajanju 15 minuta zbog konsultacija predsjednika Klubova vijećnika po pristigloj tekućoj pošti.

Nastavljeno je sa radom sjednice.

**Ad.20.
(Tekuća pitanja)**

Sekretar OV upoznao je Vijeće da su Kolegij OV i Klubovi vijećnika razmatrali tekuću poštu po kojoj su usaglasili određene stavove i to:

1. Inicijativa za provođenje opservacije, kategorizaciju i proglašenje javnim dobrom dijela regionalne ceste R-444a (Luke-Kopjari-Ratanj) broj: 06-05-R/25 od 29.10. 2025. godine, dostavljen od MZ Dragovići. Mjesna zajednica je Inicijativu dostavila i nadležnom ministarstvu, Načelniku Općine i nadležnoj službi Općine Vareš.

Predsjedavajući OV stavio je na izjašnjavanje sljedeći

Zaključak

1. Daje se podrška Inicijativi Mjesne zajednice Dragovići za provođenje opservacije, kategorizaciju i proglašenje javnim dobrom dijela regionalne ceste R-444a (Luke– Kopjari–Ratanj), broj: 06-05-R/25 od 29.10. 2025. godine.
2. Inicijativa iz tačke 1. je sastavni dio ovog Zaključka.
3. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa 13 glasova „ZA“ (odsutni vijećnici Zdenko Franjić i Dževad Mahmutović) **usvojen predloženi Zaključak.**

2. Prijedlog da se mostu kod pijace dodijeli naziv „Potočki most“ u svrhu očuvanja sjećanja na selo Potoci, dostavljen u ime bivših stanovnika Potoka od Katarine Schwemmer. U prilogu dopisa nalazi se potpisi bivših stanovnika kao i ostalih građana općine Vareš koji podržavaju prijedlog.
Općinski načelnik svojim dopisom broj: 02-1582/25 od 27.11. 2025. godine prihvatio je prijedlog i u vezi s tim za narednu sjednicu OV bit će pripremljen Prijedlog Odluke.

Predsjedavajući OV stavio je na izjašnjavanje sljedeći

Zaključak

1. Prihvata se Prijedlog, grupe mještana nekadašnjeg sela Potoci, za očuvanje sjećanja na selo Potoke, a koji u ime bivših mještana ovog sela potpisuje Katarina Schwemmer da se mostu kod pijace u Varešu dodijeli naziv „Potočki most“.
2. Zadužuju se Općinski načelnik i nadležna općinska služba da za narednu sjednicu Općinskog vijeća Vareš pripreme Prijedlog Odluke o dodjeli naziva mostu kod pijace u Varešu u skladu sa Prijedlogom iz tačke 1. ovog Zaključka.
3. Prijedlog iz tačke 1. je sastavni dio ovog Zaključka.
4. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **13 glasova „ZA“** (odsutni vijećnici Zdenko Franjić i Dževad Mahmutović) **usvojen predloženi Zaključak.**

3. Zahtjev za sanaciju puta i osvjettljenje ulice Tirići ispod Pruge dostavljeno od Imamagić Aide ul. Tirići br. 34, Vareš 18.11. 2025. godine.

Predsjedavajući OV stavio je na izjašnjavanje sljedeći

Zaključak

1. Zadužuje se Općinski načelnik da hitno pristupi rješavanju problema navedenih u Zahtjevu Imamagić Aide.
2. Zahtjev iz tačke 1. je sastavni dio ovog Zaključka.
3. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **13 glasova „ZA“** (odsutni vijećnici Zdenko Franjić i Dževad Mahmutović) **usvojen predloženi Zaključak.**

4. Zahtjev MZ Pržići i MZ Daštansko za preduzimanje hitnih mjera u svrhu blagovremenog sprečavanja nastanka štete od 14.11. 2025. godine. Mjesne zajednice Zahtjev su uputile direktoru JP ŠPD ZDK d.o.o. Zavidovići na dalje postupanje.

Predsjedavajući OV stavio je na izjašnjavanje sljedeći

Zaključak

1. Traži se od JP ŠPD ZDK d.o.o. Zavidovići da **HITNO** Općinskom vijeću Vareš dostavi odgovor na Zahtjev Mjesne zajednice Pržići i Mjesne zajednice Daštansko od 14.11. 2025. godine, a što je u vezi sa Zaključkom Općinskog vijeća Vareš broj: 01-273/25 od 30.10. 2025. godine.
2. Zahtjev tačke 1. je sastavni dio ovog Zaključka.
3. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **13 glasova „ZA“** (odsutni vijećnici Zdenko Franjić i Dževad Mahmutović) **usvojen predloženi Zaključak.**

5. Dostava prijedloga za Program rada Skupštine Zeničko-dobojskog kantona za 2026. godinu, broj: 01-02-20591/25 od 19.11. 2025. godine.

Nakon rasprave u kojoj su učestvovali vijećnik Dario Dodik i predsjedavajući OV Malik Rizvanović, predsjedavajući OV stavio je na izjašnjavanje sljedeći

Zaključak

1. Pozivaju se Vijećnici Općinskog vijeća Vareš da u skladu sa Dopisom Skupštine Zeničko-dobojskog kantona broj: 01-02-20591-2/25 od 19.11. 2025. godine,

Stručnoj službi OV do 20.12. 2025. godine dostave eventualne prijedloge, kako bi Služba prijedloge uputila Skupštini Zeničko-dobojskog kantona.

2. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **13 glasova „ZA“** (odsutni vijećnici Zdenko Franjić i Dževad Mahmutović) **usvojen predloženi Zaključak.**

6. Otvoreno pismo Premijeru i Vladi Zeničko-dobojskog kantona za hitan raskid koncesionog ugovora sa firmom „Seven Plus“ d.o.o. Sarajevo, odnosno „Vareški minerali“ d.o.o. Vareš. U Pismu koje sadrži 49 potpisnika, navedeni su razlozi zbog čega se traži raskid ugovora.

Otvorena je rasprava u kojoj su učestvovali vijećnik Nikola Šimić i predsjedavajući OV Malik Rizvanović.

Predsjedavajući OV stavio je na izjašnjavanje sljedeći

Zaključak

1. Općinsko vijeće Vareš prima k znanju „Otvoreni poziv Premijeru i Vladi Zeničko-dobojskog kantona za hitan raskid koncesionog ugovora sa firmom „Seven Plus“ d.o.o. Sarajevo, odnosno „Vareški minerali“ d.o.o. Vareš“.
2. Otvoreni poziv Premijeru i Vladi Zeničko-dobojskog kantona za hitan raskid koncesionog ugovora sa firmom „Seven Plus“ d.o.o. Sarajevo, odnosno „Vareški minerali“ d.o.o. Vareš iz tačke 1. je sastavni dio ovog Zaključka.
3. Zaključak stupa na snagu danom donošenja.

Nakon izjašnjavanja vijećnika predsjedavajući OV konstatuje da je sa **13 glasova „ZA“** (odsutni vijećnici Zdenko Franjić i Dževad Mahmutović) **usvojen predloženi Zaključak.**

7. Vijećnik Igor Hinger predložio je da Služba uputi dopis svim mjesnim zajednicama na području općine Vareš da dostave prijedloge za ceste koje bi bile uvrštene u Strategiju razvoja lokalnih cesta i ulica u gradu i naseljima. Skrenuo je pažnju na postavljanje obilježja za državne praznike i ukrašavanje grada za blagdane. Traži informaciju u kojoj je fazi realizacija Inicijative za postavljanje video nadzora u gradu.
8. Vijećnik Dario Dodik predložio je da Vijeće donese Zaključak da se zaduže općinske službe da pripreme Odluku o kategorizaciji lokalnih cesta i da se ista dostavi Vijeću na razmatranje kako bi se mogle predložiti eventualne dopune od strane vijećnika i mjesnih zajednica. Mišljenja je da treba tražiti sastanak sa Vladom Zeničko-dobojskog kantona vezano za regionalne ceste koje nisu asfaltirane. Traži da općinske službe izvrše pritisak na izvođače radova koji prilikom radova (podizanje asfalta) ostave rupe na cesti. O istom je dao pojašnjenje.

Predsjedavajući OV u ime Općinskog vijeća i u svoje lično ime, svim građanima katoličke vjeroispovijesti, uputio je čestitke za nadolazeći blagdan Božić.

Sjednica je završena u 19.23 sati.

Sastavni dio ovog Zapisnika je audio zapis 11. sjednice OV Vareš.

**SEKRETAR
OPĆINSKOG VIJEĆA**

M. Đido
Mersad Đido

ZAPISNIČAR

A. Pijadžer
Azra Pijadžer

**PREDSJEDAVAJUĆI
OPĆINSKOG VIJEĆA**

M. Rizvanović
Malik Rizvanović

